





大明太宗文皇帝實錄

永樂五年春正月丙辰朔

上御奉天殿受朝賀大宴文武群臣及四夷朝使命
婦朝

皇后于坤寧宮錫宴 是日往討安南總兵官征夷

將軍新城侯張輔調清遠伯王友左副將軍西平

侯沐晟調都指揮柳琮等合兵討賊自注江濟軍

襲籌江柵破之又攻困枚山萬劫江並賴山斬賊

首三萬七千三百九十級獲偽團副丁部曲殺之

餘黨潰散賊將胡杜聚船於盤灘江輔因南策州

土人隊正陳封未降使擊杜敗之杜走閩海口盡
得船仍使封招撫諒江東潮等處人民使皆安業
於是郡邑聞風相繼降士民上書論黎賊過惡者
日以百計

戊午

韃靼答哈巴等未歸賜白金綵幣

己未

改都察院右都御史吳中為工部尚書刑部右侍
郎李慶為都察院左副都御史

庚申

旌表旗手衛千戶張儀弟信孝行信母構疾醫不
能療信剖脇剗肝煮液食之病愈事聞準洪武中
孝得成例授信尚寶司丞

辛酉享

太廟

壬戌

命平江伯陳瑄都督宣信總督海運糧儲 思南宣
慰使田宗鼎未朝貢馬賜之鈔幣 五看河納木
里河失魯赤河等處女直野人韃靼頭目滿禿雪
黑勒鎖斌哈等三百人未朝貢馬賜鈔幣有差

癸亥

朶顏衛指揮都兒禿等率所部頭目奴溫塔木等八十人來朝貢馬賜綵幣有差

甲子

以大祀郊南

上御奉天殿文武群臣受誓戒

勅征討安南總兵官新城侯張輔等曰聞爾已破賊東都得糧甚多充足軍食宜愛惜勿妄費廣西所運餉即停罷如已在途就所至城堡貯之令如法守備輓運軍民悉罷歸

丁卯

大祀

天地于南郊

上還御奉天殿文武群臣行慶成禮

戊辰

以郊祀禮成大宴文武群臣及四夷朝使女直野人頭目土成哈等來朝置喜樂溫河木陽河哈蘭城可令河兀的阿古河撒只刺河依木河亦文山木蘭河資河甫里河十二衛得的河奧石河二千戶所合王成哈等二百二十五人為各衛所指

揮千百戶等官賜誥印冠帶襲衣及鈔幣有差
己巳

建五臺山佛殿浮圖 韃靼頭目朵兒只等五人
來朝賜白金文綺有差 湖廣辰州府土官知府
黃禧貢馬賜之鈔幣 是日征討安南總兵官新
城侯張輔左副將軍西平侯沐晟等敗黎賊於木
九江先是輔得諜報賊舟往耒富良江距交州下
流二十餘里又言李昇及其子澄等聚船於黃江
等處遂領軍次木九江晟及叅將豐城侯李彬率
步騎戰船由富良江進次魯江黎賊以船五百餘

艘犯我軍輔等水陸並進都督柳升等奮擊賊舟
膠淺遂大敗獲賊船十餘艘殺賊將阮仁子阮磊
阮劣斬首萬餘級生擒賊將黃世岡彤文傑馮宗
實莫鉄范鞋阮利等百餘人皆斬之溺死者不可
勝計時南策州人莫邃等素憤黎賊率土兵萬人
從往屢効勞績焉

庚午

元宵節賜文武群臣四夷朝使宴 築陝西山丹
永昌二衛城

辛未

命右軍都督僉事馬榮叅議郭良率河南山東官軍
運天津及德州倉粟儲通州 直隸及浙江諸郡
軍民子弟私披剃為僧赴京冒請度牒者千八百
餘人禮部以聞

上怒甚曰

皇考之制明年四十以上始聽出家今犯禁若此是
不知有朝廷矣命悉付兵部編軍籍發戍遼東甘
肅又嘆曰朕遵承舊制一不敢忽下人尚縱肆如
此何況後來此不可宥且此輩皆民螟螣不可蕃
育

壬申

潛江王貴焮薨訃聞賜祭治喪一視宜都王貴焮
遼簡王第五子時甫七歲云 白興洋偽都總管
林耒等來歸初來逃居海島中自稱總管潮州衛
卒周狗兒嘗至其地得其情詣闕請奉命往招之
至是以耒等來朝凡戶三百六十五口八百有奇
命隸籍潮州賜耒及狗兒等鈔幣遣還

癸酉

陞濟南府同知蔣廷瓚為西淮都轉鹽運使擢前
衢州府知府郭敦武進縣知縣朱仲安攸縣知縣

王處敬為監察御史敦常坐事免官後有言其材者故復召用

甲戌

賜尚師哈立麻儀仗牙仗二瓜二骨朶二幡幢二十四對香合兒佛子二手爐三對紅紗燈籠二鮓燈二傘一銀交椅一銀腳踏一銀水罐一銀盆一誕馬四鞍馬二銀杌一青團扇一紅圓扇一帳房一紵絲拜褥一

乙亥

上諭後軍都督同知朱崇等曰朕懷綏遠人凡韃靼

女直野人未朝者皆賜賚之遣還令所經郡縣給廩饌厚待之蠻夷不遵禮法往往於經過之地掠人孳畜財物亦境內之人窺其所賣而剽奪之自今悉遣人護送出

雲南鎮南州言洪武中有命

建學時以民力未敷暫於城隍廟聚徒訓之因循已久今請別建學舍從之安鄉伯張興卒興鳳陽壽州人國初起自行伍樹勞績歷官至燕山左護衛指揮僉事從

上征討其從子勇年壯有膂力從興在行陣為肘腋每戰克捷興常單騎追敵身被數十鎗傷重不任

戰命勇繼領其衆

上既正大統第興功封安鄉伯子孫世襲既卒賜祭及米布賻之

丙子

代府官屬屢有告代王挂不受正言虐以非禮者賜桂書曰朝廷簡用賢士為王府官專職輔導

祖訓云毋得輕易凌奪今聞王不以禮待笞捶凌辱殆不能堪繼今宜自悛改如不能盡職者朝廷自有明憲王不可仍前所為如王不從朕言凌虐如故朝廷無置而不問之禮理王其審之

設鎮南長官司隸施州衛時施州衛指揮孫演招諭蠻酋覃興等來朝興言洪武初父祖俱為鎮南宣撫後因土酋向添福梗化遂廢今鎮南之地有蠻民三百餘戶願率為編氓從其言遂設長官司以興為長官其子為把事 順天涿州等郡縣水蠲其糧五萬二千三十石有奇

丁丑

朶兒必河恨骨河等處女直野人頭目官夫答蘭張禿等八十一人來朝置朶兒必河衛命官夫答蘭等為指揮千百戶鎮撫賜詰印冠帶襲衣及鈔

帛有差 脩浙江餘姚縣南湖堤及錢塘仁和嘉
興蘓州吳江長州崑山松江華亭堤岸

己卯

賜陝西都指揮僉事朶爾只寧夏都指揮僉事鉄
住姓名朶爾只曰馬惟良鉄住曰柴克恭各賜誥
命 納木里河女直野人頭目白百舍等來朝置
納木河南門河二衛哈魯門山千戶所命白舍百
等為都指揮千百戶賜冠帶襲衣及鈔幣有差

壬午

上以方春軍民伐木未息有妨農務命工部覈實

凡戶內丁少及屯田軍士悉罷歸

大明太宗文皇帝實錄

大明太宗文皇帝實錄

永樂五年二月

丙戌朔

晉王濟熿奏宮中災居室悉燬賜濟熿書免其三
護衛軍士屯糧令併力作之 女直野人頭目可
成哥等來朝置哥吉河野木河納刺吉河亦里察
河荅刺河五衛命可成哥等九十二人為指揮千
百戶等官賜誥印冠帶襲衣及幣有差 是日往
討安南總兵官新城侯張輔等遣南策州人莫邃

士等宣

上德意輯諸郡縣官吏軍人令官還原兵職還原伍民
還原業訪求陳氏宗族選嫡而賢者一人送京師
請命復其王爵

丁亥

遣官釋奠先師孔子

戊子祭

太社

太稷

遣官祭先農

己丑

調指揮方賢掌西寧衛孫原掌永昌衛陳英掌山
丹衛從西寧侯宋晟請也晟又請以步軍易馬軍
賜勅答曰如步軍俱壯勇能馳驟則可不然與寇
相遇步追之不及乘馬而追又非所能更審思取
便利行之
勅鎮守遼東保定侯孟善曰緣邊韃靼女直野人未
朝及互市者悉聽其便但禁戢士卒勿擾之 哈
安溫都兒只青麼連等處韃靼頭目阿里罕等未
朝貢馬賜賚有差

庚寅

尚師哈立麻奉命率僧於靈谷寺建普度大齋資
福

太祖高皇帝

孝慈高皇后

竣事賜哈立麻金百兩銀千兩鈔二千錠絲幣表裏百
二十馬九疋灌頂圓通善慧大國師哈師巴羅葛羅思等各銀
二百兩鈔二百錠絲幣十馬三匹餘徒眾賜賚有差 勅廣西總兵
官都督同知韓觀曰柳潯二州諸蠻作耗爾於交趾緣途各堡措
置畢即移兵勦捕仍嚴禁軍士惟誅惡逆勿虐及無辜 點翰林
院學士兼右春坊大學士解縉為廣西布政司右叅議改

左春坊左中允尹昌隆為禮部主事

辛卯

夜有星出天厨大如彈丸青白色流五丈餘彗光
如鷄子大東北行至近濁

壬辰

韃靼雅卜哈等七人來歸命為寧夏衛百戶鎮撫
賜白金鈔幣有差 降尚寶司丞袁忠徹為中書
舍人 有虎賁士百餘人公差至外府懼從者掠
民財府官出榜禁戢軍卒無害民乃其職當然汝
沮之是沮朝廷法令汝雖係不掠民財是汝從人

安得不知知而不約束與自掠何異命法司以虎
賁士及其從者悉治之如法
夜月犯井宿東扇
北第一星
癸巳
勅征討安南總兵官新城侯張輔等曰師克安南之
日其境內才德賢智之士及有一善可稱一藝可
用者廣為詢問悉以禮遣送赴京

甲午

皇后千秋節命婦朝坤寧宮賜宴

乙未

命都指揮僉事孫志置山西都司事

丙申

廣東布政司右叅議呂惟得有罪罷仍命冠帶辦
事

戊戌

朶顏衛頭目把禿率妻子來朝把禿自陳其母久
居北京乞往省視命禮部賜之襲衣路費令就居
北京侍母如欲俱還朶顏者聽

甲辰

夜月犯天江中星

乙巳

賜黑龍江鎮失河等處耒朝女直野人韃靼頭目
萬戶苦康哈等宴于會同館

丙午

陞武城左衛指揮使馬丑兒為都指揮僉事命金
吾左衛故千戶李聚姪茂襲升本衛指揮僉事以
聚靖難時戰歿故也 復設五峯石寶長官司隸

湖廣都司初大軍征蠻蠻民皆竄匿長官司遂廢
至是長官張仲山子再武陳謙珉子斌等乞復舊
命以撫輯其眾從之命再武為長官斌為副長官賜

印章冠帶

丁未

娑羅國王遣使莫刺加適等貢玳瑁瑪瑙碑磔等
物賜鈔紵絲紗羅有差

戊申

代王桂第三子生賜名遜炆

辛亥

脩淮安倉並淮堤

壬子

館覺灌頂國師宗巴幹即南哥巴藏卜及劄思木

都指揮使撒力加監藏等遣劄思巴兒監藏等六
十一人貢馬賜劄思巴兒監藏等鈔二千二百錠
白金五百兩綵幣九十五表裏及紵絲綉絹衣有
差

癸丑

女直野人頭目巴思答木咬納等五十人來朝置
阿剌山隨滿河撒禿河忽蘭山古魯渾山五衛命
巴思答木咬納等為指揮僉事鎮撫千百戶賜誥
印冠帶襲衣及鈔幣有差 夜有星大如盞赤色
有光出牛宿東行至游氣中

甲寅

以北京保定真定所屬州縣水蠲其糧三萬二千
三百一十五石芻五十九萬五千六百七十二束

大明太宗文皇帝實錄

大明太宗文皇帝實錄

永樂五年三月

乙卯朔

丙辰

擢博興縣學訓導楊裘為廣西道監察御史時裘
奏御史姜迪與有司交通故有是命 復設東鄉
五路安撫司命譚忠為安撫隸施南宣撫司石梁
下峒椒山瑪瑄水盡源通塔坪三長官司俱隸容
美宣撫司命向湖文劉再貴唐思文為長官洪武
初各於其地設置治所後蠻民梗化遂廢時譚忠

等以故官子侄來朝奏請復設遂從之琉球國
山南王汪應祖遣使恭賴結制等來朝貢馬及方
物賜鈔幣有差

丁巳

封楚王楨第六女為安鄉郡主命魏寧為中奉大
夫宗人府儀賓以主配之寧留守中衛千戶敬之
子也封尚師哈立麻為萬行具足十方最勝圓
覺妙智慧善普應佑國演教如來大寶法王西天
大善自在佛領天下釋教賜印誥及金銀鈔綵幣
織金珠袈裟金銀器皿鞍馬命其徒字隆通瓦桑

兒加領真為灌頂圓修淨慧大國師高日瓦領禪
伯為灌頂通悟弘濟大國師果樂羅葛羅監藏巴
里藏卜為灌頂弘智淨戒大國師皆賜印誥銀鈔
綵幣等物宴于華蓋殿

己未

命故大寧都指揮同知滕安弟定襲兄舊職為金吾
左衛指揮使

庚申

設四川播州宣慰司僧綱司都察院言駙馬都
尉胡觀黨比李景龍^隆怨望朝廷潛蓄異志當誅命

下獄

辛酉

設馬刺長官司隸四川行都司

甲子

工部尚書宋禮言有大木數株不藉人力一夕出
大谷達于江蓋山川之靈相之賜其名山神木山
遣禮部郎中王羽祭之具建祠立碑命翰林院侍
讀湖廣製碑文是日征討安南總兵官新城侯
張輔所遣招諭人莫邃等同江北等府安越等縣
耆老尹沛等千一百二十人詣軍門言曰伏蒙給

榜遍諭國中宣布

聖天子德意令官復原職軍復原伍民復原業訪求
陳氏子孫嫡而賢者一人為之奏請復其王爵以
主國人謹分詣諸處宣布撫諭官吏軍民安業如
故惟陳氏子孫向被黎賊殲夷已盡無有遺類莫
可繼承安南本古中國之地其後淪棄溺于夷俗
不聞禮義之教幸遇

聖朝掃除兇孽軍民老稚得覩中華衣冠之盛不勝
慶幸咸賴復古郡縣庶幾漸革夷風永霑

聖化遽謹同耆老人等具表文一通請獻于朝以達

聖下民之情總兵官新城侯張輔等亦以為黎民父子旦夕就誅而諸府縣皆已平定宜有所統以撫治其民即日遣人馳上奏之

乙丑

設陝西甘肅左衛及莊浪衛僧綱司兼領下夷司
丁亥
封館覺灌頂國師宗巴幹即南哥巴藏卜為護教王
聖藏灌頂國師者思巴兒監藏為替善王國師號悉如故俱賜金印

詔命并諭怕木竹巴灌頂國師闡化王吉刺思巴監

藏巴里藏卜同護教王贊善王必力工瓦國師川卜千戶所必里朵甘隴答王衛川藏等簇復置驛站以通西域之使令洮州河州西寧三衛以官軍馬匹給之仍賜闡化王等錦綺衣服命館覺頭目南葛監藏阿屑領占俱為朵行都指揮使司都指揮使阿卓南葛領占及聖藏頭目鎖南幹屑為都指揮使事且王隆監藏沙加藏卜王隆星吉為都指揮使事且汪加為衛鎮撫賜都指揮使撒力加監藏都指揮同知奔薛兒加隴答衛指揮使巴魯亦印誥白金絲幣襲衣及茶各有差南葛監藏

者刺兀監藏之子也刺兀監藏洪武中率先朝貢
授朵甘衛都指揮使及卒以弟著思巴見監藏暫
領其職至是南葛監藏併諸頭目亦各遣人來朝
貢馬故有是命 夜有星大如鷄子青白色尾跡
有光出天市東垣外東北行入天津

己巳 黑龍江等處女直野人頭目早哈虎失忽等百七
十人來朝貢馬置考郎兀亦速里河二衛命早哈
為指揮使虎失忽為指揮僉事餘各授官賜印誥
冠帶簪衣及鈔幣有差 設雜谷寨安撫司達思

蠻寨長官司命頭目曩申為雜谷安撫僧其卜為
達思蠻副長官俱賜印及冠帶簪衣時曩申等未
朝貢馬故有是命 韃靼僧耳亦赤也兒吉你兒
灰等來歸各賜銀鈔文綺簪衣命禮部宴勞之

庚午

修山川壇 哈密忠順王脫脫遣人貢馬

上復遣使戒諭脫脫令孝以事親忠以事朝廷善撫
下人毋令失所并賜脫脫綺帛 陞陝西都指揮
僉事劉昭為都指揮同知 東昌府言衛河堤岸
自臨清至度口駟潰決凡七處命工部遣官修築

夜月犯房宿北第一星

辛未

勅都指揮同知劉昭何銘等往西番采甘為思藏等處設立站赤撫安軍民

壬申

守衛官有於皇城下口誦經不輟者

上聞之召至諭之曰爾爵祿自誦經得之耶身備宿衛不於此時用心防奸乃一心誦經可乎若意欲修善當存心忠孝不越分違法自然有福如無是數者而望有福無禍得乎若閑暇之際口歌誦念

則

太祖皇帝御製文武大誥等書其中皆趨吉避凶保富貴之道爾取讀誦亦於身家有益矣今後若仍于宿衛之所誦經者必罪不宥

癸酉

命禮部選國子生蔣禮等三十八人隸翰林院習譯書人月給米一石遇開科令就試仍譯所作文字合格准出身置館于長安右門之外處之置湖廣鎮遠衛臻剖六洞橫波長官司流官吏目一員禮部右侍郎戚存心有罪誅存心先生坐泄漏機

密

上姑宥之至是暮夜
上御右順門急召禮部官召命及庭存心滅燭趨避
暗室中
上久待不至召者還奏之廉問得實遂誅之

甲戌

遣韃靼僧耳赤也見吉你兒灰等還命齎絲幣
賜韃靼太師右丞相馬兒哈咱及頭目脫火赤等
勅寧夏總兵官左都督何福及將邊將曰耳赤赤
也見吉你兒灰等還道經邊城宜厚待而遣之令

人護送出境又密諭福及宋晟曰耳赤赤乃鬼力
赤之師或言此必鬼力赤所遣蓋鬼力赤欲西向
與瓦剌戰將徙其家屬近南而畏備邊官軍藤之
故遣來以緩官軍之出或言鬼力赤欲歸附而未
決故先遣來窺覘朝廷之意又有言虜將後至剽
掠邊境者卿等更須審計備之
泰寧衛都指揮
僉事忽刺班胡遣子阿刺哈率所部六十人來朝
貢馬賜鈔幣藤衣遣還

乙亥

置北京撫寧衛經歷司經歷一員
下魯丹河穩

勉赤欽真河可木山等處女直野人頭目管禿阿
合木哈刺不花等未朝賜鈔幣藤衣

丙子

吏部言詹事府六品以上正佐官三年考滿宜如
太常寺等衙門官例不考俟九年奏請黜陟其主
簿錄事通事舍人係屬官宜如六部等衙門屬官
例考覈從之

丁丑

設雲南府僧綱司及晉寧嵩明安寧昆陽四州僧
正司

戊寅

擢新塗縣學訓導吳嘉靖為左春坊左中允大治
縣知縣于賢為廣西道監察御史

乙卯

趙王高燧還北京賜賚甚厚其從官賜鈔有差
女直野人頭目賈虎失帖思哈等四十七人來朝
置野兒定河卜魯丹河二衛命賈虎失等為指揮
同知僉事衛所鎮撫千百戶賜誥印冠帶藤衣及
鈔幣有差

庚辰

設雲南騰衝龍川江南甸羅卜思莊四驛悉隸騰
衝千戶所 夜有星大如盞青白色光燭地出天
廟西南行至近濁二小星隨之

辛巳

改上林署為上林院院監以中官相兼任用置左右
監正各一員正五品左右監副各一員正六品左
右監丞各一員正七品首領官典簿三員正九品
設良牧蕃育林衡嘉蔬川衡水鑑及典察左右前
後十置署署典署一員正七品署丞二員正八品
錄事二員正九品 是日征討安南總兵官征夷

將軍新城侯張輔左副將軍西平侯沐晟等敗黎
賊于富良江初輔等追賊至膠水縣閩海口賊敗
而逃其地下濕不可駐兵遂議還師誘賊至鹹子
關築堡令都督柳升守之至是升報賊入富良江
輔等遂往擊之賊舟聯亘十餘里陸路又以精勁
數萬來戰官軍兩岸夾攻之賊以海艘橫截江中
而用划船載木立柵以拒官軍輔乘柵未備躬督
將士力戰賊不能支升等繼以舟師橫擊之賊大
敗生擒偽工部尚書阮希周斬其偽朔衛將軍胡
射等及將卒數萬人江水為赤乘勝長驅至黃江

直抵閩海口獲賊舟無算黎賊父子僅以數小舟
脫身遁去偽吏部尚書范元覽大理卿阮飛卿千
牛衛將陳日照華碩將軍黎威等皆詣輔降夜有
星大如盞青白色有光出天市東垣東南行至近
濁高表六官軍西第火文之癸未至賜文武百官西洋及高麗布有差特命翰林院侍
讀黃淮胡廣侍講楊榮楊士奇金幼孜賜同尚書
甲申高詔北京今歲夏稅及永樂三年赦前所負租稅課

程贓罰等物悉輸鈔麓川平緬所隸孟外頭目
刀發孟來朝貢象及金器賜之鈔幣

大明太宗文皇帝實錄

大明太宗文皇帝實錄

永樂五年四月乙酉朔享太廟

丙戌

興平王尚炳永壽王尚焯來朝

命皇太子宴之平陽王濟曠奏來朝時已在道

賜書諭曰

祖訓親王朝覲自幼至長以嫡先庶母失序今不循
序又無召命而趣來違祖訓矣即日馳歸緬
甸土官那羅塔等遣其屬陶益洛霞等詣闕貢方
物謝罪先是孟養宣慰使刀木旦與慶里相仇殺

而那羅塔乘鸞發兵劫之殺刀木旦及其長子思
樂發掠其人口牛馬遂據其地事聞詔行人張洪
等賚勅諭責之那羅塔懼遂歸其境土及其所
掠遣人詣闕請罪

上諭禮部臣曰蠻夷既服辜即釋不問一體給以信
符令三年一朝貢

戊子

陞行人李克讓為四川道監察御史 賜在京文
武百官夏布公侯駙馬伯十足一品至四品八足
五品至九品五足未入流三足監生二足

庚寅

工部言廣東^高要縣銀岡金山等處官民田五百餘
頃皆低下圩岸為水衝決又竇源五穴宜築隄以
防水患請發民修築從之

辛卯

皇長孫出閣就學

上御奉天殿文武群臣稱賀畢

上召太子少師姚廣孝翰林院待詔魯瑄鄭禮等諭之曰
人之學問常以先入之言為主朕長孫天資明睿爾等
宜盡心開導凡經史所載孝悌仁義與夫帝王大訓可

以經綸天下者日與講說浸漬之久涵養之深則德性純而器識廣他日所資甚大不必如儒生繹章句工文辭為能也廣孝等稽首受命賜金織羅衣各一襲命大官給朝暮酒饌

壬辰

大西番陀安官速康部及刺麻匝各瓦遣頭目刺伯及刺古瓦如寨頭目各塔等并失八真拗刺失刺惱兀兒等處韃靼頭目完者禿等未朝貢馬賜鈔幣有差

癸巳

改四川按察司僉事霍毅於浙江按察司僉事張

義於雲南按察司一賜翰林院侍講黃淮等五員

金織雲鶴鈔衣各一襲

甲午

召前禮部儀制司郎中兼右春坊右贊善李維鼎至復以為贊善命侍皇長孫說書繼鼎以病免歸歲餘至是上念藩邸舊人復召用之

勅寧夏總兵官左都督何福曰爾掌邊境軍務宜一切謹密使人不得窺測庶無敗事比內使林清以他事至邊清無知擅索兵馬之數爾緘不密而遽與之以此勸之邊備虛實解不泄漏自今慎之慎之凡內官內史往來無

勅旨者皆勿聽信 陝西按察司僉事王嘉言軍衛屯糧歲遣風憲官盤量本司官有定員差遣不一况陝西四十餘衛每衛不下二三百屯道理遙遠非一人所能遍歷往往差委屬官所至欺公作弊乞勅該部徵收之時衛差監生一員盤量又言陝西緣邊驛站經過使客一槩應付廩給草料不無虛費乞勅該部勘定事例頒示所司命下禮部議禮部議奏皆便

上以盤量屯糧遣監生非便命吏部增置按察司官專任之於是浙江江西廣東廣西湖廣河南雲南

四川按察司增置僉事一員陝西福建山東山西按察司增置僉事二員

乙未

順陽王有烜未朝命皇太子宴之如例 法司奏有盜內庫財物者

上曰內庫所貯皆天財待賞有功雖朕不敢妄費而下人敢盜之須按如律 琉球國中山王世子思紹遣使三吾良疊貢馬及方物別遣使來告其父中山王武寧卒命禮部遣使賜祭賻并遣使齎詔封思紹嗣琉球國中山王 都察院右僉都御史

史仲成丁家艱陞辭賜鈔一百錠

丁酉

寧世子盤斌代世子遜端未朝皇太子宴於文華
後殿其從官宴於西廡 別失八里王沙迷查干
遣使脫亦不花等貢玉璞及方物且言撒馬兒罕
本其先世故地請以兵服之

上命禮部宴賚脫亦不花等而遣中官把泰李達鴻
臚寺丞劉帖木兒等賚璽書諭沙迷查干曰宜審
度而舉事慎勿輕動以取危辱并賜之綵幣令把
泰等與脫亦不花等偕行 哈刺火州王子哈散

土魯萬番戶賽因帖木兒柳陳城萬戶瓦赤刺等
俱遣人貢玉璞等物悉賜鈔幣襲衣

戊戌

勅甘肅總兵官西寧侯宋晟曰

朝廷禁約下人私通外夷不為不嚴比年回回來經
商者涼州諸處軍士多潛送出境又有留居別失
八里哈刺火州等處泄漏邊務者此邊將之不嚴
也已別遣監察御史覈治自今宜嚴禁約蓋因哈
刺火州等處使者來言其事故戒飭之

庚子

上謂侍臣曰朕與卿等論政事每不覺坐久或謂朕
曰語多傷氣非調養之道當務簡默為貴朕語之
曰人君固貴簡默但天下之大民之休戚事之利
害必廣詢博訪然後得之非好多言也侍臣對曰
辨無^為而治然亦好問好察邇言豈辨不好簡默也
哉

上曰不如是不足以盡群情曰韃韃頭目把罕等二
十五人來歸命為涼州衛指揮千百戶賜之鈔幣
朝鮮國王李芳遠遣臣李龜鉄等貢方物賜鈔
幣有差王岷王樞妃袁氏薨訃聞賜祭命有司

治塋後軍都督僉事曹遠卒遠鳳陽定遠人洪
武中以戰功累官府軍衛指揮同知陞山西行都
司都指揮同知又陞後軍都督僉事掌山西行都
司事其卒也命賻祭如例孫亨麓府軍衛指揮同

知

聖辛丑

萬壽聖節

上御奉天殿受朝賀大宴文武群臣及四夷朝使命

婦朝

皇后于坤寧宮賜宴

孟定府灣甸州土官遣頭目招剛刀甘論等來朝
貢馬賜鈔幣有差大征討安南總兵官新城侯張
輔等奏曰前欽蒙

聖訓安南平定訪求陳氏子孫俾繼王爵臣等謹遵

睿筭肅將

天

威

其府縣相繼歸附即遣南策州

耒降人莫遠等持榜遍諭各處軍人耆老尹沛等
千一百二十人詣臣敷陳情悃謂黎賊篡殺之時
搜求陳氏子孫誅戮已絕莫可繼承又謂安南中
國之地其後淪落化為異類今幸掃除殘賊再覩

衣冠願復立郡縣設官治理以漸沐

聖化洗滌夷習遠等別遣表一通備述民志臣察究

群情知其誠實已為陳奏臣于三月二十九日復

率兵追勦賊徒至膠水縣閘海口殺賊無算黎季

犛父子僅以身遁今復追討賊孽勢愈窮魚遊釜

中旦夕就薨伏計郡邑既平之後宜有所統陳氏

已絕無可訪求必合開設都指揮使司布政使司

按察使司以總率郡縣撫輯兵民謹具奏聞奏至

群臣亦以為請

上曰俟黎賊父子悉就擒而後處置

壬午年

興平王尚炳永壽王尚灶辭歸均賜鈔幣其從官

悉賜鈔幣夜有星大如盞青白色尾跡有光出庫

樓南行至雲中

戊申

命代世子遜熾寧世子熾冠順陽王有烜辭歸

賜之鈔幣復設忠路忠孝全峒三安撫司隸湖廣

施州衛初土酋向添福構兵蠻民潰散安撫司遂

廢至是故土官子覃英等未朝乞復舊治以撫夷

民從之命覃英田大興覃添貴為各司安撫俱賜

印章北京順天府言霸州及密雲曲陽等縣水

耕農缺種子命戶部給之凡給粟豆萬八千三百

九十石

己酉

陞都指揮僉事郭義為中軍右都督北京刑部

言順天河間保定三府屬縣民飢命戶部速給糧

賑之

庚戌

代世子遜熾寧世子磐斌還國各賜鈔幣等物賜

其從官如例設山西陽峒蠻夷長官司命寨長

韋萬木為長官為韋萬魁為副隸思州宣慰司時
萬木等來朝自陳所統凡四十七寨一千一百餘
戶乞置官治之歲輸租賦於五開等衛故有是命
雲南八百大甸軍民宣慰使刀招散遣頭目招
拔秃魯油等貢方物及金銀器謝罪蓋以前却其
貢獻至是復來謝命禮部受之

辛亥

改福建道監察御史任壇於河南道陝西按察使
王英於山西按察司福建按察司僉事武信於陝
西按察司河南右叅議崔士先於陝西布政司陞

溫州府同知杜英為廣西布政司右叅政彰德府
通判姚宣為福建按察司僉事

壬子

擢閩縣知縣張譔為陝西按察司僉事改兵科給
事中王徵於吏科

太宗文皇帝實錄

五月甲寅朔勅甘肅總兵官西寧侯宋晟曰近聞
回回多買中國人妻妾子女出境律買賣者皆處
死宜嚴加禁約之毋因循也

乙卯

陞東勝右衛指揮使陳景先為大寧都指揮僉事
丙辰

遣使賜谷王穗紗布各八十疋

命戶部徙山山西之平陽騶路山東之登萊等府州
民五千戶隸上林院監牧養栽種戶給路費鈔一

百錠口糧六斗

丁巳

設湖廣思南思州二宣慰使儒學

戊午

端午節賜文武郡臣宴

己未

賜國子監琉球國及雲南生石達魯等并其從人

夏衣

辛酉

湖廣武昌府僧言欲增修觀音閣以祝

聖壽

上不從曰人修短有定數禍福由所行所行誠善福不祝當自至不善禍非祝所能去人但務為善何假外求哉

癸亥

陞鴻臚寺左寺丞王七十五為本寺右少卿

甲子

開平衛卒蔣文震言王者以天下為家以百姓為子百姓不足君孰與足今有歲辦各色物料里長所領官錢悉入己名為和買其實強取於民萬不

贖一若其土產尚可措辦况非土地所有須多方徵求以致傾財破產者有之凡若此者非止一端今後宜令有司除常賦外妄取民一錢者以受財枉法論其各色物料非土地所有禁勿取又言旌表節義所以勵俗今承流宣化者率不務公每年求訪孝子節婦但應故事縱有當舉者里隣上之州縣而州縣不為理吹毛求疵多方沮毀設有准舉者吏胥需索錢物否則誣論其短事竟不行今後有當舉者宜令所司覈實即與申達旌表從之

望書

是日征安南官軍獲賊首黎季犛及其子澄先

是總兵官新城侯張輔追賊至典史海門涇鵲淺久晴水涸賊棄舟遁及官軍至大雨水漲數尺舟畢渡衆大喜曰天贊王師及輔率步騎至龍茶舟師亦至偽四輔大尹阮謹等未降言黎賊走又安遂調都督僉事柳升率舟師前進輔及左副將軍西平侯沐晟等循舉厥江進至日南州奇羅海口升殺賊得船三百艘餘賊遁輔等乘勝追之升復引兵出奇羅海口永定衛卒王柴胡等七人與賊遇賊困敗與皆敗走柴胡等生擒賊首黎季犛李保保等十人擒其子澄於海口中山

乙丑

安南土人武如卿等於永盎海口望高山獲偽大
虞國王黎倉偽太子黎芮及黎賊子孫弟姪偽梁
國王黎灑等并賊將偽柱國東山鄉侯胡杜等安
南平刻夜月犯東南第二星

丙寅

遣千戶亦刺思那速兒丁及舍黑撒答等使瓦刺
時虜中未降者言鬼力赤為部下所廢其衆欲立
本雅失里遂遣亦刺思等賚主大雨亦雅失里
勅往諭馬哈木等以天命有歸及福善福淫之意并

賜馬哈木太平把禿孛羅及其所部撒都刺等金
織文綺有差西域回回亦不刺金等并涼州等
衛卒二百十一人貢馬賜鈔有差

丁卯

北京刑部言自西湖景至通流凡七閘河道淤塞
自昌平縣東南白浮村至湖景東流水河口一百
里宜增置十二閘請以民丁二十萬官給費用修
置命以運糧軍士浚通其置閘俟更議

戊辰

上以征南將士衝冒炎暑慮生疾病遣使奉香帛遍

犯嶽鎮海濱及安南山川城隍之神祈祐夜有
星如盞大青白色有光出紫微蕃內北行至游氣
中
乙巳
上幸靈谷寺駐蹕中庭有青蟲着
上衣以手拂置地徐命中官取置樹間曰此雖微物
皆有生理毋輕傷之

庚午

設赤溪滴洞長官司隸思州宣慰使司命王必恕
為長官王顯彰為副其所統寨六十七苗民一千

五百餘戶皆必恕等所招集思州宣慰使田琛言
于朝且請設治所故有是命

辛未

上聞河南饑有司匿不上聞命刑部悉逮寘于法
又

勅都察院左都御史陳瑛等曰國之本在民而民無
食是傷其本

朕自嗣位以來夙夜以安養生民為心每歲春初及
農隙之縣際

勅郡縣浚河渠修築圩岸陂池捕蝗蝻遇有飢荒即

加賑恤比者河南群縣荐罹旱澇有司匿不以聞
又有言兩暘時若禾稼茂實者及遣人視之民所
收有十不及四五者有十不及一者亦有掇草實
為食者聞之惻然亟命發粟賑之已有飢死者矣
此亦
朕任用匪人之過已悉寘於法其榜諭天下有司自
今民間水旱災傷不以聞者必罪不宥

壬申

勅甘肅總兵官西寧侯宋晟曰聞耒歸韃靼赤納本
是沙州衛指揮使買住所部今赤納為都指揮僉

事官居買住之上亦是邊帥不審實以聞之過夫
高下失倫人不得其分則心不平今已陞買住為
都指揮同知賜誥命冠帶自今凡耒歸者應授官
職審定高下等第以聞或失其當咎有所歸
武安侯鄭亨父用卒用廬州合肥人洪武初隸籍
行伍積功至大興左衛千戶以老病令亨襲職亨
從

上靖內難屢以戰功封武安侯遂以亨爵封用至是
卒遣官賜祭夜有星如鷄子大青白色有光出
即位西北行至游氣

癸酉

上問侍臣曰聞近俗之弊嚴於事佛而簡於事其先

果有之手對曰間有之

上嘆曰此蓋教化不明之過朕於

奉先殿旦夕祇謁未常敢慢或有微恙亦力疾行礼

世人於佛老竭力崇奉而於奉先之禮簡畧者蓋

溺於禍福之說而昧其本也率而正之正當自朕

始耳

甲戌

征討安南總兵官新城侯張輔等奏雲南廣東廣

西征將軍後士有事故缺伍者欲於安南上著軍民

內選拔捕伍從之命給以月糧仍賜勅諭曰從征

將軍士遠違父母妻子跋涉山川勤勞備至方今夏

熟宜擇高爽之地駐營以休息之

乙亥

潤倫麼連韃韃頭目把禿不花等奉朝貢馬賜衣

綵幣

戊寅

工部言北京文明河至通州五閘每閘合設船二

十艘乞於龍江告用閘戶十一戶水脚夫四百六

十人於湖廣江西河點充從之
己卯言北京文淵閣之盛
日本國王源道義遣僧圭密等七十三人來朝貢
方物并獻所獲倭寇等

上嘉之賜勅褒諭曰王忠賢明信恭敬
朝廷殄滅兇渠俾海濱之人咸底安靖

朕甚嘉之茲特賜王白金一千兩銅錢一萬五千緡
綿紵絲紗羅絹四百一十疋僧衣十二襲帷帳衾
褥器皿若干事并賜王妃白金二百五十兩銅錢
五千緡綿紵絲紗羅絹八十四疋用示旌表之意

復工部左侍郎張本右侍郎甄庸官本等先坐事
落職至是宥而復之禮部左侍郎楊砥坐事降工
部主事

辛巳

都察院僉都御史俞士吉自浙江巡視民瘼還上
聖孝瑞應松

上曰爾以大臣出視民瘼既歸其民情何如年穀何
如水患何如未聞有一語而汲汲進諛辭都御史
行事固如此乎命擲還之

壬午

征討安南總兵官新城侯張輔等平安南捷奏至
群臣入賀曰黎賊父子違天逆命今悉就擒皆由
聖德合天神人助順
上曰
天地
祖宗之靈將士用命所致朕何有焉群臣復以開設
三司及郡縣為請

上命降詔行之 陞金吾右衛指揮僉事張貴為都
指揮僉事掌虎賁左衛事 福建都指揮僉事張
豫坐頓置番國方物不如法謫戍安南

大明太宗文皇帝實錄

永樂五年六月癸未朔以安南平

以來南平詔天下曰

朕祇奉

皇圖恪遵成憲弘敷至化期四海之樂康永保太和
俾萬物之咸遂夙夜兢兢業弗敢怠遑仰惟

皇考太祖高皇帝混一天下懷柔遠人安南陳日燿
慕義向風率先職貢遂封為安南王前世有其土
比者賊臣黎季犛及子蒼弒其國主戕及闔家毒
痛生民怨聲載路詭易姓名為胡一元子為胡奎

隱蔽其實說稱陳甥言陳氏絕嗣請求襲爵
朕念國人無統聽允所云幸成奸謀肆無忌憚自謂
聖優三皇德高五帝以文武為不足法周孔為不足
、借國號曰大虞紀年元聖自稱兩宮皇帝冒用
朝廷禮儀招納逋逃陽奉正朔覬覦南詔窺伺廣
西據思明府之數州侵寧遠州之七寨擄其子女
毆其人民欺占城孱弱奪其土疆逼與章服要其
貢賦累使曉諭怙惡弗悛安南王孫奔竄未訴黎
賊謬陳誠款請迎君之乃伏兵要殺於途拒辱朝
使朕遣人賜占城禮物又却使臣而奪之蠢茲兇

鑿積惡如山四海之所不容神人之所憤怒興言
至此盡然傷懷寔不得已是用興師期伐罪_以吊民
將興滅而繼絕爰命總兵官征夷將軍新城侯張
輔等率師八十萬討之飛度富良深入逆境桓桓
虎旅威若雷處業業兇徒勢如拉朽七百萬之衆
須臾而盡二千里之國次第皆平生擒逆賊黎季
犛及子黎季犛_本子黎蒼黎澄與其家屬并偽將
相官僚黎季犛胡杜等撫納降附綏輯良善遍求
陳氏子孫立之其國之官吏耆老人等咸稱為黎
賊殺戮已盡無可繼承又稱安南本古交州為中

國郡縣淪汙夷習及茲有年今茲汛掃揆捨剗磔
蕪穢願復古郡縣與民更新朕俯詢輿情從其所
請置交趾都指揮使司交趾等處承宣布政使司
交趾等處提刑按察司及軍民衛設官分理廓清
海徼之妖氛變革遐邦之舊俗所有合行事宜條
列于後安南國王陳氏為黎賊所殺犯于非命宜
^加贈諡慰其幽冥其子孫宗族有為黎賊所害者宜
贈以官有司皆具名未聞陳氏子孫既為黎賊盡
戮宗祀廢絕有司宜與建祠其墳墓蕪廢宜與修
治祠墳各給民三十戶供祭掃安南官吏軍民人

等為黎賊驅迫死亡者衆暴露可憫有司即為埋
瘞安南郡縣官吏皆陳氏舊人為黎賊威脅本非
得已詔書到日凡在職役者悉仍其舊然民久染
夷俗宜設官兼治教以中國禮法黎賊數年以來
為政苛猛毒虐其民今悉除之宣布

朝廷政令以安衆庶安南各處閑隘有結聚人民守
把營寨及逃避海島者詔書到日即便解散其民
罹黎賊困苦已久有司宜善撫卹使安生業無致
失所其官吏軍民有為黎賊所害或黥刺徒配或
全家流徙不得其所及一應被害之人

詔書到日悉放回原籍復業所在有司即便起發毋
得停留其有囚繫於獄者即時放遣安南境內凡
有高年碩德有司即加禮待及鰥寡孤獨之人無
依倚者為立濟院以存卹之有懷才抱德可用之
士有司以禮敦遣至京量才於本土敘用安南與
占城百夷等處接界宜各守疆境毋致侵越亦不
許軍民人等私通境私自下海販鬻番貨違者依
律治罪於戲威武載揚豈予心之所欲元惡既殛
實有衆之同情廣施一視之仁永樂之太平治布
告中外咸使聞知

勅諭交趾總兵官征夷將軍新城侯張輔左副將軍
西平侯沐晟左叅將豐城侯李彬右叅將雲陽伯
陳旭及諸大小將校人等安南黎賊弒君篡國僭
號紀元兇暴不仁毒痛一國侵奪隣壤抗拒

朝命不修職貢

朕不得已命爾等征討其罪賴

天地

宗社默相將士用命兵威所致咸以削平生擒逆賊
黎季犛父子及其偽官綏輯善良撫納降附秋毫無
犯市肆不驚捷音來聞良深喜獎昔宋元之時

安南逆命興兵討之皆無成績今之此舉實邁古
人盛名偉烈傳之百世茲時遣人賫勅慰勞炎暑
正盛宜擇高爽之處休息士馬俟天氣清肅即班
師復勅輔等曰爾前送上者老莫遂等表文言
陳氏子孫盡為黎賊所殘無可繼承請如古制復
立郡縣已命爾等加意推尋又得所奏稱陳氏實
已絕嗣郡縣不可無官請設三司撫治軍民今皆
如所請立交趾都指揮使司以都督李呂毅掌司
事黃中為副再選能幹都指揮一司副之布政司按
察司以尚書黃福兼掌之前工部侍郎張顯宗福

建布政司左叅政王平為左右布政使前河南布
政司左叅政劉本右叅政劉昱為左右叅政前
河南布政司左叅政劉本右叅政劉昱為左右叅
政前議江西按察司使周觀政安南歸附人裴伯耆為
左右叅議前河南按察司使阮友彰按察副使楊直
為按察副使前太平府知府劉有年為按察司僉
事別選辦事官發去可於府州縣等衙門官內仍
具名未聞不足者別令吏部銓注今遣印信付爾
給授之古改交趾龍興府為鎮蠻府建興府為建
平府天長府為奉化府新興府為新安府國威州

為威蠻州宣光州為宣化州上福州為福安州安
邦州為靖安州日南州為南靖州布政州為政平
州明靈州為南靈州龍眼縣為清遠縣安世縣為
清安縣應天縣為應平縣山明縣為山定縣上福
縣為保福縣龍潭縣為清潭縣丹陽縣為丹山縣
龍拔縣為隴拔縣天施縣為施化縣古戰縣為古
平縣統兵縣為統寧縣佛誓縣為善誓縣天本縣
為安本縣獨立縣為平立縣黎家縣為黎平縣御
天縣為新化縣費家縣為古費縣安邦縣為同安
縣安興縣為安和縣茶龍縣為茶縣杜家縣為

古杜縣上路縣為路平縣上福縣為福康縣布政
縣為政和縣鄧家縣為古鄧縣左布縣為左平縣
世榮縣為士榮縣餘仍其舊定交趾所隸州縣
交州北江諒江三江建平新安建昌奉化清化鎮
蠻諒山新平演州又安順化總十五府以威蠻福
安三帶慈廉利人五州隸交州府本府親領東閩
慈廣二縣威蠻州領山定清威應平大堂四縣福
安州領保福美留清潭三縣三帶州領扶隆安娘
扶寧安樂五石元郎六縣慈廉州領丹山石室二
縣利仁州領清廉平陸古榜古禮利仁六縣以嘉

林武寧北江三州隸北江府本府親領超類嘉林
二縣嘉林州領安定細江善才三縣武寧州領仙
遊武寧東岸慈山安豐五縣北江州領祈福善誓
安越三縣以諒江南策上洪三州隸諒江府本府
親領清遠古勇鳳山那岸陸那五縣諒江州領清
安安寧古隴保祿四縣南策州領青林至靈平河
三縣上洪州領唐濠唐安多錦三縣以洮江宣江
施江三州隸三江府洮江州領山圍麻溪清波夏
華四縣宣江州領東欄西欄虎巖三縣沱江州領
隴拔古農二縣以長安州隸建平府本府親領懿

安安本平立大灣望瀛五縣長安州領威遠安謨
安寧黎平四縣以東潮靖安下洪三州隸新安府
本府親領峽山太平多翼阿瑰西關五縣東潮州
古費安老水棠四縣靖安州領同安支封安立安
新安大瀆萬寧雲屯八縣下洪州領長津四歧同
利清馮四縣以快州隸建昌府本府親領俸田建
昌布真利四縣快州領仙呂施化東結芙蓉永涸
五縣以美祿膠水西真順為四縣隸奉化府以請
化愛九真三州隸清化府本府親領古滕古弘東
山古雷永寧安定梁江七縣清化州領俄樂細江

安樂磊江四縣愛州領河中統寧宋江支俄四縣
九真州領古平結悅緣覺農貢四縣以新化廷河
古蘭神溪四縣隸鎮蠻府七源上文下文萬崖廣
源上思下思朗七州隸諒山府本府親領新安如
敖州巴丘溫鎮夷淵董七縣七源州領水浪琴脫
容披平六縣上文州領杯蘭慶遠庫三縣以政平
南靈二州隸新平府本府親領福康衙儀知見三
縣政平州領政和古鄧從質三縣南靈州領丹喬
左乎後度三縣以演州隸演州府演州領千冬芙
蓉芙蓉瓊林四縣以南清驩二州隸又安府本府

親領衙儀丕祿古杜支羅真福土油渴江土黃八
縣南清州領河黃磐石河華奇羅四縣驩州領石
塘東岸路平沙南四縣以順化二州隸順化府順
州領巴閩利調安仁三縣化州領利逢士榮乍今
茶渴思容蒲苔蒲浪七縣改太原等五鎮為太原
宣化嘉興歸化廣威五州直隸布政司太原州領
宣良司農武禮洞喜永通宣化美石大慈安定感
化太原十一縣宣化州領曠當道文安平原底江
牧物大蠻楊一九縣嘉興州領籠蒙四乍三縣歸
化州領安立文盤文振水尾四縣廣威州領麻籠

美良二縣設交趾布政司永盈庫交州府醫學僧
綱司瀘江驛豐盈庫永豐倉建平府永盈庫常豐
倉三江府豐濟倉嘉林州儒學交州北江諒江建
平四府稅課司福安三帶慈廉利仁喜林武寧北
江宣化八州稅課局應平大堂山定清威寧細江
善才武寧東岸青林至靈平河古勇清安太平多
翼河現西閔長津同利二十縣稅課局多錦縣之
麻浪保祿縣之下昌唐濠縣之全縷唐安縣之司
王峽山縣之峽山五稅課局壯江府并三帶州之
長江慈廉州上古利仁州之養頑宣化州之長江

慈廉縣兵神大堂縣之江潭山定縣之山定清威
縣清威唐安縣之涇台清遠縣之翁羅安謨縣之
安謨海口東結縣之車粟口膠水縣之圓光古勇
縣之粉池平河縣之凍美安老縣古齊場之封縣
之阿躡社四岐縣之四岐社域個婁社安定社河
泊所凡二十一慈廉縣之婆加應平縣之三議河
大堂縣之三江口場津橋芙蓉縣之河魯口唐江
橋扶隆縣之江口鎮扶寧縣之園山鎮立石縣之
車朗鎮丹山縣之唱江口清廉縣之涇除平陸縣
之寧江古榜縣之泡橋永江口嘉林縣之三江口

汶上寃蘭青林縣之平灘江口至靈縣之古法渡
平河縣之多魚海口堆海口安鋪江口多錦縣之
阿牢江口山圍縣之陳舍麻溪縣之花原山夏華
縣之蕩灰東攔縣之古雷江口西攔縣之軒閔虎
巖縣之三岐江口隴拔縣之費舍古農縣之酒舍
懿安縣之路沛江大灣縣之大安海口安寧縣之
山水江黎平縣之生藥山江安校縣之神校海門
太平縣之嘹江多閭涇口多翼縣之粟江河瑰縣
之支隆渡西閔縣之支耒庄東潮州之天廖江屯
山古費縣之扶帶社海口安老縣之老海口多混

海口同安縣之同安海口之封縣之多俚社海口
安和縣之小白藤海口長津縣之波了社四岐縣
之域箇婁隊油江隊祝水隊同利縣之多弋俸田
縣之俸田建昌縣之黃江口真利縣之海門東結
縣之車栗口美祿縣之寧江口西真縣之葦江口
順為縣之河江口會江口膠水縣之添福海口膠
海口收物縣之石恩鄉大蠻縣之北果橋當道縣
之蘭社文安縣之渭陰江口平原縣之北衢底江
縣之錫山鎮巡檢司凡六十七清魚縣之姜橋保
福縣之保福嘉林縣之嘉林武寧縣之市橋平陸

縣之永安黎平縣之生藥保祿縣之芥站馬駟凡
七交州府之瀘江武寧縣之市橋保祿縣之芥站
及鷄陵立溫遞運所五石室縣僧會司交趾鹽課
提舉司廣慈大黃二場鹽課司改鷄陵關為鎮夷
關改大理寺卿陳洽為吏部左侍郎遣郎中張
宗周等以吏部勘合二十道付洽凡當授官必與
總兵官新城侯張輔左副將軍西平侯沐晟兵部
劉儁計議量才授職給與勘合來朝之日憑此稽
考其先已授職於無碍者皆補與之合底簿填寫
則奏繳

周王橐弟十一子賜名有煜

丙戌

木邦軍民宣慰使罕的法以

朝廷遣使賚

勅賞勞遣頭目代扛零等來朝謝恩貢象馬犀牛方
物時八百所轄孟掌浪諸寨物平其頭目閃刀遣
陶孟刀永美等隨罕的法之使詣貢金銀器及馬
犀牛謝罪各賜之鈔紵絲紗羅有別賜罕的法及
其母妻綿綺紗羅

丁亥

陞安陸衛指揮僉事劉震為交趾都指揮僉事蔚
州衛指揮使倪蛟為大寧都指揮同知孝陵衛千
戶顧興為本衛指揮僉事故千戶徐顏兒子貴
陞金吾左衛指揮同知

戊子

修治北京祀典神祇壇宇又作祭器樂器
勅甘肅總兵官西寧侯宋晟曰

朝廷遣使為虜拘留未歸未知其意何如近回回安
命帖木兒等未言鬼力赤數遣人至哈密市馬木
稚失里亦遣人與鬼力赤往來今晚安命帖木兒

去爾可選人與之同往察彼處動靜以間

己丑

遣官祭中雷 擢淮安府山陽縣民丁珏為刑科
給事中珏訐告其鄉誹謗罪數十人法司言珏才
志可用故有是命

庚寅

命都督同知朱崇都督僉事冀英往鎮浙江都司屬
衛 賜往安南軍士家鈔各五錠

上語禮部臣曰朕居深宮猶苦炎熱每念軍士南征
者荷戈深入而又冒觸毒鬱之氣道遠未能勞之

悉與鈔伍錠給其家設德州左衛

辛卯

陞禮部左侍郎趙取為本部尚書 監察御史蔣

彥祿言

國家養軍士以備攻戰暇則教之急則用之今各衛所官夤緣為奸私家役使倍蓰常數假借名目以避正差賄賂潛行互相蔽隱請嚴加禁止從之

命法司覈治

壬辰

陞錦衣衛千戶劉岳為本衛指揮僉事 廣西提

兵官右軍都督同知韓觀奉勅移兵勦捕柳州等處蠻寇今年四月初一日兵至柳州賊聞風遁入窠穴難剽除請俟秋冬益兵進討從之

命指揮徐祐周鼎劉綱往湖廣廣東貴州三都司選壯士三萬同錦衣衛指揮程遠期以十月初一日至廣西與觀軍合攻之

癸巳

設交趾交州左右等衛指揮使司勅總兵官新城侯張輔等及兵部尚書劉儁曰交趾城中立交州左右中三衛富良江北立交州前衛昌江立温各

立衛市橋隘留閑各立守禦千戶所市橋以兩所
守之糧儲已令都督韓觀等督廣西土兵備運足
半年之食則止即將鎮守軍士分布耕種及於已
附土人內收稅供給驛傳緊要處亦令韓觀於軍
衛有司土官衙門摘撥舡馬人夫相兼遞送存留
守城軍士廣西二千五百廣西四千七百五十湖
廣六千七百五十浙江二千五百江西福建各一
千五百雲南四千餘就本處收集土軍相叅守禦
其合用官聽自選留
勅甘肅總兵官西寧侯宋晟曰安南黎賊悉已就擒

南海之地廓然清肅惟沙漠鬼力赤等倔彊未順
為患邊境當俟募驅除之爾有謀畧宜具未聞

甲午

詔三法司凡內外文武官自永樂二年六月始有犯
笞杖徒流雜死死罪降謫去職者悉宥之減半俸
常停減者全給有從征交趾功績顯著者復職給
全俸但曾經戰陣者亦復職給半俸若在途營求
差遣避征及冒功得職應革并律不應赦與見繫
獄者不在此例 哈密回回洗刺從等貢馬賜之
鈔幣 福建按察司副使陳思聰有罪降常德府

同知

乙未

勅交趾總兵官新城侯張輔等曰交趾已平惟廣西

柳潯等州叛寇未滅班師則預報都督韓觀寇期

合兵勦之更選都督及都督指揮領兵三萬人由

他道進又殄滅此寇毋遺民患并勅都督韓觀知之

命金吾左衛故指揮使伯顏帖木兒弟捌哈龍指揮

使翰林院侍講學士王達卒達字達善無錫人

自縣訓導以荐陞國子監助教

上即位用姚廣孝言陞翰林院編修再陞翰林院侍

讀學士達性澹泊為人謙和恭慎為文章以詩名

上間問建文君過失事達對曰可與為善但輔導者

非人故悞之耳達卒年六十五

命有司歸其喪

丙申

修揚州迤北閘堤

壬戌

勅錦衣衛指揮程遠曰廣西柳潯等處蠻寇未平已

命交趾總兵官新城侯張輔等班師之日與都督

韓觀共討之又命廣東湖廣貴州三都司調軍二

萬期十月初一日至廣西付爾率領分道並進預
報爾知之陞錦衣衛千戶林觀牛林為本衛指
揮僉事觀等自少事於西陲嘗與爾未平
上於潛邸蓋最久雲

己亥陞陝西左布政使杜智於河南陞刑部郎中孟驥
為河南左叅政戶部郎中趙儀右叅政兵科給事
中 丘陵為右叅議

庚子

上諭都察院臣曰自昔闥宦弄權假

朝廷號令擅調軍馬私役人民以逞威福生事造孽
傾覆宗社者多矣我

太宗皇帝監前代之失立綱紀明號令調發軍馬必
以御寶文書朕即位以來一遵舊制爰恤軍民首
詔天下一民一軍不許擅差復

命所司嚴切禁約

命內使李進往山樞採天花此一時之過後甚悔之
更不令採近聞李進詐傳

詔旨偽作勘合於彼召集軍民復以採天花為名假
公營私大為軍民之害及今炎暑之月亦不散遣

計李進所為與昔之弄權者何異若後來做效益
多則朝廷威福之柄下移嗣君何以統治天下今進所為
命所在軍民官都不奏未此亦與胡藍齊黃歆壞
國家事何異爾即差御史二員徑詣山西將李進一
干為非之人鞫問明白械送京師必宜重法若都
司布政司有干涉者併鞫治之雖閔皇親亦不恕
仍令御史用心推治不可容縱

壬寅

遣駙馬都尉宋琥省其父西寧侯晟疾就令贖

勅諭晟曰卿久在邊勞身焦思招懷撫輯使朕無西
顧之憂朕甚賴之近聞得瘋疾妨起處朕心惓
特遣琥侍疾卿宜疆飲食進醫藥用副倚注之重
琥年少智識未允宜遂教以邊務然大事須自處
置不可忽也 巡按雲南監察御史顧斌言雲南
所屬郡縣皆有儒學而春秋釋奠先師惟雲南府
學行之請令各府州縣皆行釋奠禮從之

癸卯

上問禮部臣近四夷之謠何如對曰蠻夷由來叛服
不常數年

陛下懷之以恩待之以禮今皆悅服無復反側之意
上曰朕素待之以誠彼或不誠亦不與校故亦有感
激愧服者孔子常曰言忠信行篤敬雖蠻貊之邦
行也矣聖人之言萬世可行

勅交趾總兵官新城侯張輔左副將軍西平侯沐晟
等兵部尚書劉儁曰交趾應有懷才抱德山林隱
逸明經能文博學有才賢良方正孝弟力田聰明
正直廉能幹濟練達吏事精通書筭明習兵法武
藝智謀容貌魁偉語言便利膂力勇敢陰陽術數
醫藥方脉之人悉心訪求以禮遣送赴京擢用

考忒卜河等處韃靼頭目苦烈等來朝貢馬賜之
鈔幣兵部給事中傅安郭驥等自撒馬兒罕還
安等自洪武二十八年使西域徧撒馬兒罕者十
有三年至是其頭目哈里聞

上即位乃遣使臣虎牙達等送安等并貢方物賜卜
虎牙達一鈔及金錢文綺紗羅各十表裡改安等
禮科給事中賜文綺襲衣安等言元帖木兒駙馬
已卒哈里嗣之乃帖木兒之孫遂命遣指揮白阿
兒忻台等往祭帖木兒而賜哈里璽書銀幣并賜
其部屬有差

丙午

設濟寧衛及增設徐州衛中左中右二千戶所
夜月犯火星

庚戌

浙江布政司言杭州府沿江堤岸復淪于江
上命左通政趙居任督民修築

辛亥

雲南千崖長官司長官曩歡等遣子刀思曩來朝
貢象馬金銀器四方物賜之鈔幣

廣西布政司

奏柳州自正月至六月不雨

上覽奏憂形於色語廷臣曰春無雨則不得種夏無
雨雖種亦且稿死過此民一歲之計無望矣
命戶部遣人馳往視之

...

...

...

...

...

命凡...

...

...





